

րագաները տեսնել Կարկունեան Տեղեկագիրին մէջ (Սիւն, 1929, փետր. մարտ. Թ. 2—3. էջ 80—91), որ առանձին ալ հրատարակուած և զրկուած է ազգ. բոլոր շրջանակներուն ի տեղեկութիւն:

ԿԻՒՐԵՂ ՎՐԳ. ԻՍՐԱՅԷԼԵԱՆ. — (ՏԵ՛ս էջ 211—12). պաշտօնավարած է իբր ուսուցիչ Մարգասիրական ճեմարանին մէջ (1912—14), քարգնան Հնդկաստանի Մայր Աթոռի նուիրակ Թորգոմ արքեպս.ի (1916—18). ուսուցիչ կրօնի և անգլ. լեզուի Գահիրէի Գալստեան վարժարանին մէջ և միևնոյն ժամանակ անգլ.ի քարտուղար Ազգ. Առաջնորդարանի (1919—21): Քարտուղար Երուսողէմի պատրիարքարանի անգլ. թղթակցութեանց (1921—22): Անդամ Տն. Ժողովի 1929ին:

Մ

ՄԱՐԿԱՐԻՏ (ՄՀՏ.) ՎԱՆԵՑԻ. — 1747ին Ս. Յակոբի վանքը այցելած է և իր նուիրատուութեանը համար հաստատուած է խաչքար մը. այս խաչքարը վերջերս գտնուած է Պարոնտէր կոչուած այգիին տան պատին մէջ, հետեւեալ արձանագրութեամբ.

«Կանգնեցաւ սուրբ խաչս բարեխօս առ Աստուած վասն Վանեցի մահտեսի Մարգարտին և իւր ծնողացն յիշեցէք ի տէր ի թուին ՌՃՂԶ» (=1747):

ՄԱՐՏԻՐՈՍ ԵՊՍ. ՄԵՐՏՆՈՅ. — 1541ին կ'այցելէ Երուսաղէմ, ուրկէ կ'երթայ Հռոմ և Կալիցիա և յետոյ կը վերադառնայ իր տեղը, ինչպէս կը հասկցուի ՋՂ (= 1541) թուին ընդօրինակուած Առեսարանէ մը, որուն ստացողը ինքը եղած է: Սոյն ձեռագիրը այժմ կը գտնուի Վենետիկ, Ս. Ղազար:

ՄԱՐՏԻՐՈՍ ՊԵ. ՔԷՖԷՑԻ. — (ՏԵ՛ս էջ 269—271). Որդի Թոխատցի Գրիգորի և Խարունի. հաւանաբար ծնած է 1605ին Կաֆայի մէջ և աշկ. Ստեփանոս Թոխացիին, որ 1602—1620 Ղրիմ կը մնար ու 1621ին կը վերադառնայ Թոխատ, հաւանաբար Մարտիրոսի ծնողքին հետ. անկէ կը զրկեն զինքը Ս. Յակոբի վանքը՝ ուր կ'աշակերտի Աստուածատուր պարքի: 1673—74 քննական պաշտօնով կ'ուղևորի Պալքանները, ուր յօրինած է իր երգիծական քանի մը քերթուածները (Նաւասարդ, 1923, էջ 72—76, 99—102):